

« نوران پوروی، کیم، صایبده او دهنجی ید
کیر مشوره مدنی بین آجونه ورمزك کجیلته ره
قیدلریخی بکلیتمه لری ره با اولنور »

مدیری : آف چورہ اوغلی یوسف

۳ تشرین اول ۱۳۲۹

« اوله دن بر ساعت اول خلق طوبیلانوب بیتمش اولدیفندن بر ذات آياغه قالدوب
أدرنهك استردادینه دأثر اولان آژانس تلغرافنی اوقودی وخلقه واقعهك اهمیتنی ایجه
آكلاندی. خلق هپ بردن « الله اكبر! الله اكبر! » دییه تكییر كتیروب آل چلردیلر.
صوكره علما طرفندن قرآن ختم ایدیلوب، أدرنه و محوم بالغان محاربه سنده شهید اولان
مسلمانلرك روحنه باغشلاندی. دهاصوكره كوزل سلی بركنچ شمال توركلرينك سوکیلی
شاعری مرحوم عبدالله توقایفك انور بك حقندهكی شعرینی اوقودی، بوشعر خلقه
جوق تأثیر ایتدی. توقای مرحومك روحنده فائحه اوقوندی.

« ضیافت ادبییه بی متعاقب، ضیافت ماده باشلاندی: یوز قدر سهاور قایناوردی،
هرکسه جای طایفیدیلوردی. ییهجك، ایجهجك غایت بول حاضرلأتمشدی. غولجه
توركلری، آقشامه قدر پیوب، ایچوب، كوكشوب اویناشوب، أدرنه استردادی قوطلو
کوتنی سونجه بایراملادیلر. و آنجق قاراكلق دوشدكدن صوكره شهره دوندیلر. »

« طایم یوردی » نك عمل طاشی قورماسی — « تورک یوردی » نی اوقوبانلر
اوقاف نظارتك یادیرمقده اولدینی « طلبه یوردی » نی بك ای بیلیرلر. حتی رسمی ده
کورددیلر. « طلبه یوردی » نك عملری قازیلوب بیتدیکنندن، ایلوك ۲۳ نجی بازار
ایرتسی کونی، اوله دن صوكره ساعت برده عمل طاشی قونجق مراسمی یابلدی. مراسمه
اوقاف ناظری حضرترلرینك وکیلی مجلس اوقاف رئیس حاجی اولیا افندی ایله سرمعمار
کمال الدین بك واركان نظارتدن و هیأت فیه دن برقاچ ذات و « تورک یوردی » اداره
هیئاتندن محمد امین، ضیا و آق چوره اوغلی یوسف بکلر، « خلقه طوغری » جریده سی
محررلرندن ناظم بك وکنچ طیبیلریمزدن بعض افندیلر حاضر بولندیلر.

« طلبه یوردی » نك عمل طاشنك آلتنه براقیلان وثیقه شویله یازیلشدر:
« حیت عالیه سیله وطنهك محبت و حرمتنی قازانمش اولان اوقاف هاپون ناظری
خیری بکك نظارتی زماننده، انشآت و تعمیرات مدیرمحموبسی و سر معماری کمال الدین
بکك دهای صنعتیله و انشآت هیأت فیه سنك معاونتیله تورک معمارلنی احیا ایلیهجك
واصحاب خیر و حسناتك روحلرینی شاد ایدهجك نیجه ایشلره تثبیت ایدیلرک بر جوق آثار
بدیعه وجوده کتیرلش اولدینی کبی فی « ذی القعدة سنه ۱۳۳۱ و فی ۲۳ ایلول سنه
۱۳۲۹ تاریخنه تصادف ایدن بازار ابرتسی کونی تورکلكك یاریشکی لسانی یقشدیرمك
اوزره اشبو « طلبه یوردی » (« نجی وقف خان) نك عمل طاشی تکرینك عناینیله
آتیلشدر. »

موسی افندی ییکدیفلک یکی مطبعه سی. — شمال تورکلرینك مجدد علماسندن
موسی جارالله افندی، پترسبورغده مکمل بر مطبعه تأسیس ایتمشدر. موسی افندی،
کندی مطبعه سنده قرآن کریمك کندیس طرفندن تورکجه ایدیلش ترجمه سی باصارق
ایشه باشلایهجق و شمال تورک ادیبلرینك اک نامداری عیاض افندی اسحاق ایله برلکده « ایل »
آدی بر غنجه نشر ایدمچکدر. موسی و عیاض افندیلرک بو بك خیرلی تشبیرلرله موفق
اولا لرینی. تکرری تعالیدن دیلیپورز.